

Naturaktivitéite fir de Lycée

Offer vun den Naturschutzzentere
vun der Naturverwaltung



© Christof Weber

Programm 2025/2026



Administration
de la nature et des forêts
Grand-Duché de Luxembourg

Eis fënnef Naturschutzzentren

„D’Natur erliewen”

D’Haaptaufgabe vun der Naturverwaltung sinn nieft der Gestiou vum eise Bëscher an Naturschutzgebitter, de Public fir den Naturschutz an en nohaltege Verbrauch vun natierleche Ressourcen ze sensibiliséieren.

Dëser Aufgab stellen sech d’Naturschutzzentren vum der Naturverwaltung mat enger erliefnes-orientéierter Offer fir Naturaktivitéiten. Mat Beweegung, Kreativitéit, Spill, Teamgeescht an och mat Stimulatioun vun de Sënner gëtt d’Bewosstsinn an d’Verantwortung vun de Kanner gestärkt.



Iwwersiicht



4 A Wiewesch



8 Biodiversum



12 Burfelt



16 Ellergronn



20 Mirador



© CNF A Wiewesch

A Wiewesch

Am Häerz vu Manternach, ëmgi vu Felder, Weeden a Bongerte läit den **Naturschutzzenter A Wiewesch**.

An der eemoleger Scheier an de Ställ vum Bauerenhaff ass eng interaktiv Ausstellung zum Thema Naturschutz a Landwirtschaft. An dëser interaktiver Ausstellung gëtt op eng flott Aart a Weis gewisen, dass Landwirtschaft, Naturschutz an eng gesond Ernierung zesummenhänken an och ënnert anerem eist Klima beaflossen.

Nieft dem pedagogesche Gaart A Wiewesch, luet déi schéi Kulturlandschaft jiddereen an, fir op eisen didaktesche Weeër spadséieren ze goen, oder un eise sëllegen Aktivitéiten oder Workshopen deelzehuelen.

Fir all Aktivitéit am Naturschutzzenter A Wiewesch gëllt:

- All Aktivitéit kann op Ufro mat enger Mëttespaus an eiser Grillhütt verbonne ginn.
- Denkt wgl. u gutt Schong an dem Wieder ugepasst Gezei. E Picknick ka matbruecht ginn.



**Infoen an
Umeldung**

12, Syrdallstrooss
L-6850 MANTERNACH

Tel: 247-56503

awiewesch@anf.etat.lu



Wanderung, Naturschutz a Landwirtschaft

Wéi kënne mir d’Natur schützen an eppes fir d’Klima maachen?

Op eiser Wanderung (Léierpad Manternach-Lelleg) entdecke mir wéi Naturschutz a Landwirtschaft Hand an Hand ginn a firwat et sou wichteg ass mat verschiddenen Acteuren zesummen ze schaffen. Uschléissend kann eng Féierung duerch d’Ausstellung “Naturschutz a Landwirtschaft” ugebuede ginn.

Niveau

7^{ème}

1^{ère}



Wéini?

Ganzjäreg

Naturschutz um Teller

Niveau

7^{ème}

1^{ère}



Wéini?

Ganzjäreg


Wéi kënne mir mam Choix vun eisem lessen d’Natur schützen? Wou kommen eis Banannen hier a wéi gi se ugeplant?

Mir kucken eis u, wat fir Liewensmëttel lokal produzéiert ginn, a versichen ze verstoe, wat nohalteg Ernierung bedeit. Natierlech schmaache mir och lecker lokal Produiten.



Buedem – gesunde Buedem, gesond lessen

Niveau



Buedemschutz, eng Erausfuerderung fir d'Biodiversitéit ze erhalen an eis Ëmwelt ze schounen. Et gëtt vill verschidde Biedem an alleguer erzielen se eng aner Geschicht.

Wéini?

Mäerz bis Oktober

Mat Hëllef vun Experimenter a Beobachtungen entdecke mir, wéi villfälteg d'Liewen ënner der Uewerfläch ass.

Ökologesch Wanderung

Léiert d'Ökologie vum Schluchtwald zu Manternach kennen. Souwuel ökologesch wéi och geologesch Aspekter gi geléiert. Mir entdecken den eenzegaartegen a gréisste Schluchtwald vu Lëtzebuerg mat senger Geologie, Geomorphologie, sengem Buedem a senger Vegetatioun.

Eng Geographin wäert d'Gebitt virstellen an op d'Entsteeungsgeschicht wéi och op de Liewensraum mat senger Biodiversitéit agoen.

Niveau



Wéini?

Ganzjäreg

Erliefnis Wildnis

Niveau



Wéini?

Ganzjäreg
vun 9 bis 15 Auer

Feier maachen, Schnitzen, Spuere liesen a Spillen am Bësch, fir dass d'Klass als Team gestärkt gëtt a sozial Fäegkeete gefërdert ginn. Während engem spannenden Dag voller Abenteuer weise mir iech de richtigen Ëmgang an a mat der Natur. Dat Abenteuer erstreckt sech iwwer de ganzen Dag, Stockbrout um Feuer abegraff.



Nature-Connect

Den Handy, d'sozial Medien an den Internet si konstant Begleeder an eisem Alldag, och scho bei Jonker. Duerch verschidden natur- a bëschedagogesch Übungen ouni dës Begleeder, wäerte mir d'Géigend ronderëm den Naturschutzzentrum A Wiewesch nei entdecken a kenneléieren.

Duerch selbststänneg Gruppenaarbechte ginn di perséinlech Interessie vun de Schüler*innen un eiser Ëmwelt an de Mëttelpunkt gestallt, mam Zil d'Relatioun tëschent der Natur an de Schüler*innen ze stäerken.

Niveau

7^{ème}

1^{ère}



Wéini?

Ganzjäreg

Teambuilding an der Natur

Niveau

7^{ème}

1^{ère}



Wéini?

Ganzjäreg

Zesumme spille mir Kooperatiounsspiller an der Natur, léieren eis kennen, stäerken den Teamgeescht, léiere mateneen ze kommunizéieren (verbal an net-verbal) a reflektéiere wéi d'Klass gemeinsam Léisungsstrategie ka fannen.





© Christof Weber

Biodiversum

Den Naturschutzzenter Biodiversum am wonnerschéinen Haff Réimech invitéiert de Visiteur, d'Villfalt vun der Natur vum Gebitt ze entdecken. Aus dem deemolege Kiselstengofbaugebitt ass e vun de schéinsten an ökologesch wäertvollste Fiichtgebitter zu Lëtzebuerg ginn.

An der interaktiver Ausstellung vum Naturschutzzenter ginn d' Visiteuren ënner anerem alles iwwer d'Geschicht vum Museldall, de Liewensraum Weier, de Vullenzuch an d'Wichtegkeet vun der Biodiversitéit gewuer.

D'Haaptaufgab vum Zenter ass d'Sensibiliséierung vun der Ëffentlechkeet wéi och vu Schouklasse am Beräich Nohaltegkeet, Natur- an Aarteschutz.

Fir all Aktivitéit am Naturschutzzenter Biodiversum gëllt:

- Denkt wgl. u gutt Schong an dem Wieder ugepasst Gezei.
- D'Aktivitéite fanne vir- an nomëttes statt an daueren op mannst 2 ½ Stonnen.




Infoen an Umeldung

5, Bréicherwee
L-5441 REMERSCHEN

Tel: 247-56533

biodiversum@anf.etat.lu



Entdeckungstour Haff Réimech

Kommt mat op eng Entdeckungsrees duerch d'Weiergebitt Haff Réimech!

Wéi sinn d'Weieren entstanen? Firwat ass et elo e Schutzgebitt? A wie leeft hei iwwerhaapt? Zu all Joreszäit gëtt et eppes anesches ze entdecken!

Dës Aktivitéit dauert min. 2 ½ Stonnen (klengen Tour) oder 3 ½ Stonnen (groussen Tour).

Niveau

7^{ème}

1^{ère}



Wéini?

Ganzjäreg

Déi grouss Rees vun de Vullen

Eemol Afrika an zeréck!

Wouhi verschwannen sou vill Vullen am Wanter? Wéi fannen si hire Wee? Wéi eng Geforen an Hindernisser mussen si iwwerwannen? A firwat hu verschidde Villercher e Rank um Fouss?

Dës a weider Froe beäntwere mir zesummen a jee no Wieder hu mir vläicht souguer d'Méiglechkeet, engem Ornitholog beim Beréng vum engem Vull iwwer d'Schëller ze luussen.

Niveau

7^{ème}

1^{ère}



Wéini?

Abrëll bis Juli
a September bis Oktober
(wiederofhängeg)

Vulle-Rallye

Niveau



Wéini?

Februar bis Oktober

Mir sichen zesummen no Vullen am Fiichtgebitt. Dobäi gi mir dorop an, wéi eng Ënnerscheeder déi verschidde Vullenaarten hunn, wéi si liewen, wat si friessen a wat mir kënne maache fir si ze schützen.



Schätz, Schierbelen, Schanken a méi ...

Detektive vun der Vergaangenheet. Wat maachen Archeologen a wéi schaffen si? Mir sichen an der Ausgruewungskëscht no Bijouen, Keramik a Schanken an erfuerschen déi spannend Geschicht vun de Mënschen am Haff Réimech tëscht der Steenzäit an dem Mëttelalter.

Wat wäerten d'Leit wuel vun eis an dausend Joer fannen?

Niveau



Wéini?

Ganzjäreg

Niveau



Wéini?

Ganzjäreg

Archeologesch Entdeckungsrees am Haff Réimech

E Paradäis aus Mënschenhand.

Den Haff Réimech ass e klengt Paradäis, dat aus Mënschenhand erschaf gouf.

Op dëser Tour léiere mir, wéi déi éischt Mënschen am Gebitt ronderëm de Biodiversum gelieft a wéi si d'Natur verännert hunn. Eis Entdeckungsrees erstreckt sech vun der Jongsteenzäit bis an eis Zäit.

D'Klima an ech

Wat ass Klima? Ass dat dat selwecht wéi d'Wieder?

Duerch Experimenten a Perspektivewiessel gi mir zesummen dat Thema Klimawandel duerch.

Mir bewäerten eisen Afloss op d'Klima duerch eis alldieglech Handlungen an iwweeleeën zesummen, wéi mir d'Klima positiv beaflosse kënnen.

Niveau

7^{ème}

1^{ère}



Wéini?

Ganzjäreg

Orientéierung an der Natur, ouni Handy a GPS

Mir ginn zesummen op eng Wanderung an d'Natur.

Mir sichen eis e Wee, mee ouni Handy, mat enger Kaart an engem Kompass. Wéi fréier. Duerch eise Parcours léiere mir och d'Geologie, d'Geschicht an d'Biodiversitéit vun der Géigend kennen, déi sech eis presentéiert.

Niveau

7^{ème}

1^{ère}



Wéini?

Ganzjäreg



Burfelt

© CNE Burfelt

Den Naturschutzzenter Burfelt läit bei eisem schéine Stauséi un der Uewersauer.

De Stauséi, sou wéi déi typesch Éisleker Kopp an a Louhecke, prägen dës Géigend. Duerch di roueg a wonnerschéi Landschaft fanne Visiteuren den direkte Wee zu der Natur.

Am Gebai aus dem 18. Joerhonnert kann een eng interaktiv Ausstellung entdecken, déi sech ëm de Bësch an all seng Funktiounen, d'Bezéiung vum Mënsch zum Bësch, esou wéi eisen ökologesche Foussofdröck dréint.

All eis pedagogesch Aktivitéiten sinn op dem "BNE" Prinzip opgebaut.

Fir all Aktivitéit am Naturschutzzenter Burfelt gëllt:

- All eis Aktivitéiten ginn iwwer e ganzen Dag.
- Wgl. matbréngen: gutt Schong fir an de Bësch, dem Wieder ugepasst Gezei a Verfleegung.
- Ee Grill steet zu ärer Verfügung.



Infoen an Umeldung

1, Burfelt
L-9660 INSENBORN

Tel: 247-565-21 / -25

burfelt@anf.etat.lu



Lou-Schläissen

Wat huet d'Eecheschuel mat Lieder an Tënt ze dinne?

Duerch d'Lou-Schläissen de Wäert vun de Louhecken an hir kulturhistorisch Bedeitung méi no bréngen, andeems d'Schüler *inne selwer eng Hand mat upaken.

Entdeckt mat eis, wéi kreativ ee mat der Lou schaffe kann.

Niveau

7^{ème}

1^{ère}



Wéini?

Mëtt Abrëll bis Mëtt Mee

Atelier Holz

Niveau

7^{ème}

1^{ère}



Wéini?


Abrëll bis Oktober

Unhand vu Beispiller kréien d'Schüler *innen de Wäert vum Bësch erkläert. Zesumme mat de Schüler *inne sichen a fälle mir ee Bam a verschaffen e bis zum fäerdegem Produkt.



Bësch – Mensch – Klima Eng Bezéiung am Wandel

Niveau



Hei léieren d'Schüler *inne wéi eng Roll eis Bëscher beim Klimawandel spillen a wat d'Ursaachen a Folge vun dem Ganze sinn. Wat kann een dergéint ënnerhuelen?

Wéini?

Ganzjäreg

Footprint – ökologesche Foussofdrock

Wat ass een ökologesche Foussofdrock? Dat kréien d'Schüler *inne bei dëser Aktivitéit erkläert a léiere, wéi si dee kënne reduzéieren. D'lesspause sinn Deel vun der Aktivitéit, well se do hire Foussofdrock direkt virun den Aen hunn.

Niveau



Wéini?

Ganzjäreg

Survival – Iwwerliewen am Bësch

Niveau



Feier selwer maache mat verschiddenen Techniken, ee Löffel schnëtzen, Hütte selwer bauen a viles méi.

Wéini?

Ganzjäreg



Kooperativ Erlebnisspiller

Duerch kooperativ Spiller gëtt d'Selbstvertrauen, den Teamwork an d'Kommunikatioun an der Grupp gefërdert.



Niveau

7^{ème}

1^{ère}



Wéini?

Ganzjäreg

Eng Aktivitéit ganz no äre Bedürfnisser

Niveau

7^{ème}

1^{ère}



Wéini?

Ganzjäreg

Falls fir iech kee passend Thema dobäi ass an dir een Thema an der Schoul behandelt, kënnt dir op Ufro eng passend Aktivitéit mat eis zesumme plangen.



© CNP Ellergronn

Zwee Kilometer südlech vum Stadkär vun Esch-Uelzecht läit den Naturschutzzenter Ellergronn, agebett tëschent Bësch an Dréchewisen am Naturschutzgebitt mam selwechten Numm.

Hei trëfft alles openeen, wat de Räichtum vum Lëtzebuerger Süden ausmécht: engersäits eng divers Natur an anerersäits de Patrimoine vun der deemoleger Eisenindustrie.

Am Ellergronn ginn et nieft den naturpädagogeschen Aktivitéiten och Aktivitéiten, déi sech mat der Relatioun vu Mënsch, Natur an der Notzung vun den natierleche Ressourcë befaassen.

Fir all Aktivitéit am Naturschutzzenter Ellergronn gëllt:

- D'Aktivitéite fanne vir- an nomëttes statt an daueren ongeféier 2 ½ Stonnen.
- Denkt un dem Wieder ugepasste Kleedung, fest Schong a Verfleegung.
- Ee Grill steet iech op Ufro zur Verfügung.




Infoen an Umeldung

6, Ellergronn
L-4114 ESCH/ALZETTE

Tel: 247-56516

ellergronn@anf.etat.lu



Natur-Rallye

Bei dësem Rallye ass d'Erfierfnis vun der Natur dat Wichtegst. Mat schaarken Aen a gespëtzttem Bläistëft entdecken déi Jonk, wat de Bësch eis bäibréngen kann.

Niveau



Wéini?

Ganzjäreg

Niveau




Wéini?

Oktober
a Mee bis Juli

Herbarium

Zesumme léiere mir allerlee Planze kennen a kucke wéi een se bestëmme kann. Mir weisen iech eng einfach Approche fir är eege Planze-Schatzkëscht unzeleeën.



De Biergbau an d'Minnenaarbechter am Ellergronn

Niveau

7^{ème}

1^{ère}



Wéini?

Ganzjäreg

Wëllt dir gär méi iwwer de Biergbau an der Minn Cockerill wëssen?

Da sidd dir bei eis richtig. Kommt an erlieft firwat a wéi d'Minnenaarbechter iwwerhaupt Minetts-Steng aus de Stollen ofgebaut hunn.

Wat eng haart Aarbecht!

Transitioun wéini?

Wéi ass den Zoustand vun eisem Planéit? A wéi gesäit et mat de Liewewiesen an der Natur aus?

Maacht iech mam Klimawandel vertraut a realiséiert, wéi een Impakt mir Mënschen op eis Ëmwelt hunn.

Dir kritt ee Lückentext mat an d'Ausstellung a sicht, op dräi Stäck verdeelt, no wichtegen Informatiounen iwwert Natur, Klima an ... ?

Niveau

7^{ème}

1^{ère}



Wéini?

Ganzjäreg

Ouni Begleeder





Mirador

Den Naturschutzzenter Mirador ass an engem fréieren Industriegebai zu Stengefort ënnerbruecht.

Den Ofbau vum Sandsteen, Holz an Äerz huet d'Regioun laanscht d'Äisch verännert. Mëttlerweil huet sech d'Natur nees hir Platz zeréck geholl, d'Planzen an Déieren hunn hei en neit Doheem fonnt.

Spuere vun der Industriegeschicht an de Leit, déi se geprägt hunn, sinn awer nach op Schratt an Tratt ze begéinen.

D'Aktivitéiten, déi de Mirador ubitt, erméiglechen de Kanner eng aner Vue op d'Natur ze kréien a maachen se mat hirer Einfachheet an hirer Schéinheet vertraut.

Fir all Aktivitéit am Naturschutzzenter Mirador gëllt:

- Ofmeldunge mussen spëtstens 24h virun der Aktivitéit per Mail oder Telefon erakommen.
- Bréngt wgl. mat: Fest Schong, Verfleegung an dem Wieder ugepasste Kleedung.
- Treffpunkt fir déi meeschten Aktivitéiten ass den Naturschutzzentrum Mirador.



Infoen an Umeldung

1, Rue Collart
L-8414 STENGEFORT

Tel: 247-56541

mirador@anf.etat.lu



Bäsch a Konscht

Duerch Bewonnerung a Kreativitéit entwéckelen d'Kanner eng Bezéiung zu der wonnerbarer Natur, déi eist Doheem ass. Mir dekoréiere Beem, kreéiere Konschtwierker aus Holz, Steng, Blieder, Blummen a Buedem, mir mole mat Naturfaarwen, leeë Mosaicken aus oder och e grouse Mandala.

De Bäsch freet sech schonn op är Konschtwierker an Iddien.

Niveau

7^{ème}

1^{ère}



Wéini?

Mäerz bis November

Survival Atelier (Ganzen Dag)

Niveau

7^{ème}

1^{ère}



Wéini?

Ganzjäreg

Feier ufänken ouni Fixspoun a Briquet, eng Schutzhütt selwer bauen, Spuere liesen, sech orientéieren, Wëllplanze kenne léieren an nach viles méi.

Een Dag laang d'Natur anescht ersiewen an als Klass gemeinsam Aufgabe léisen. D'Abenteuer waart op iech!


lessen, Gedrénks, fest Schong a Gezei, dat d'äerf knaschteg ginn, matbréngen.

Op Spueresich am Bësch

Niveau

7^{ème}

1^{ère}



Eise Bësch ass voll mat Déieren, leider kritt een se net sou oft ze gesinn, si hannerloossen awer Spueren!

Mir léieren zesumme, wéi se ausgesinn a wéi mir se liese kënnen.

Wéini?

Ganzjäreg

Mir ginn zesummen op Spueresich, stellen eng Fotofal op an nach villes méi.

Industriegeschicht a wéi d’Natur sech nees verbreet huet

Am Laf vun der Geschicht huet de Mënsch ganz Landschaftsbiller duerch Industrië verännert. Soubal déi awer net méi genotzt ginn, hëlt d’Natur sech hirer nees ganz séier un.

Bei dëser spannender Aktivitéit gi mir op Spueresich vun der aler Industrie a wäerte vill Maueren a Gebaier, Schinnen an Tunnellen, komesch Fielsformatiounen an nach villes méi entdecken. Mir gesi, wéi et fréier ausgesinn huet a wéi d’Natur sech nees verbreet a vun de Flechten a Moose bis hin zu engem Bësch entwéckelt huet.

Niveau

7^{ème}

1^{ère}



Wéini?

Ganzjäreg




Team Building (Ganzen Dag)

Bei dëser Aktivitéit muss d'Klass verschidden Aufgabe meeschteren, déi just als Grupp ze packe sinn mat Hëllef vu Kommunikatioun, Kreativitéit, Duerchhalverméigen an enger gudder Portioun Teamgeescht.

No der Aktivitéit gëtt nach e kleng Bilan mat Réckbléck a Reflexiounen gemaach.

lessen, Gedrénks, fest Schong a Gezei, dat däerf knaschteg ginn, matbréngen.

Niveau



Wéini?

Ganzjäreg

Matschaffen am Naturschutz

Niveau



Wéini?

März bis November

Mir schaffen zesummen an eisem Naturschutzgebitt. Ofhängeg vun der Saison falen hei verschidden Aarbechten un, wou dir kënnt mathëllefen, eis Biodiversitéit ze erhalen an ze verbesseren.

Allez hopp! D'Schaffhändschen undoen a lass leeën.

lessen, Gedrénks, fest Schong a Gezei, dat däerf knaschteg ginn, matbréngen.



Kontakt
Naturverwaltung

81, rue de la Gare
L-9233 Diekirch

info@anf.etat.lu

www.emwelt.lu